

١
إيزيس
(ليلى رامي)

الحب الأخير

على أوتار العامية المصرية

الطبعة الأولى

٢٠٠٧



تسويق ونشر

مجموعة أجيال لخدمات التسويق والنشر والإنتاج الثقافي

الكتاب: الحب الأخير

المؤلف: إيزيس (إيلي رامى)

الطبعة الأولى: القاهرة ٢٠٠٧

رقم الإيداع: ٢٠٠٧/١٠١٦٠

الترقيم الدولي: I.S.B.N. 977-6215-10-6

رامى، إيلي.
الحب الأخير: على أوتار العامية المصرية/ إيلي
رامى (إيزيس - مستعار). ط١. - القاهرة:
مجموعة أجيال لخدمات التسويق والنشر والإنتاج
الثقافى، ٢٠٠٧.
٩٦ ص؛ ٢٠ سم.
تدمك: ٩٧٧-٦٢١٥-١٠-٦
١- الشعر الشعبى المصرى.
أ- العنوان
٨١١,٠٨٤

الحبّ الأخير

المدير العام
مدير النشر
خالد عبد الصمد خفاجي
عادل متولي

الجمهورية العربية السورية
القسم الفني

إشراف وتنفيذ
تصميم الغلاف: الفنان
إيمان خفاجي
عطية الزهيري
طباعة
مطبوعة صحوة



تسويق ونشر

مجموعة أجيال لخدمات التسويق والنشر والإنتاج الثقافي

الإدارة والمكتبة: ٤٤٩ ش السودان - المهندسين
الدور الأول - شقة ٤

أمام مجمع محاكم شمال الجزيرة.

التسويق: ٠١٠٣٣٤٩٩٨٨ - ٠١٢٣٧٠٥٠٢٤

٠١٠١٨٨٩٣٦٣

Email: aagyal@yahoo.com

aagyal@hotmail.com

طبعاً فأكره

طبعاً فأكره الحب وعابشه المعنى الحلو اللي رسمناه
أه مش ناسبه لقانا وفرحه وكل اللي احنا كمان قلناه
يوم مانقشنا حروف أسامينا ف قلب الشجرة
جاي بتسال وتقول فأكره
طبعاً فأكره

.. طب وحياتك.. فأكره الهمس اللي ف إحساسك
.. دقة قلبك.. لما بتنطقلى بإخلاصك
دمعك.. فرحك.. غيرتك.. حيرتك
نبض عروقك.. والتنميدة.. وصوت أنفاسك
دول إن كانوا أمبارح.. هم اللحظة وبكرة
ليه متخيل إن دا كله مجرد ذكرى؟!
وجاي بتسال.. وتقول فأكره؟!
طبعاً فأكره!!

افهمها بقة

أكثر من كده.. محتاج تلميح
طب إمتى أمال تفهمها بقة؟
دا الحب ما هوش محتاج توضيح
والشوق بنشوفه فى كل لقّا
إفهمها بقة

افهمها بنظرة بال مشغول
أو غيرة قلب عليك على طول
من إمتى الحب أساسه كلام
دا كفايه أمارة توضّح دول
باحترار وباغبر.. ولا فيش تغيير
وتعبت من التلميح ده كثير
مع إنه يفسّر لك تفسير
على إنى بحبك متعلّقه
إفهمها بقة

الحب اللى أنا فتحت عليه
لو شفت عيوني قوام تلاقيه
وازاي ما عرفتش يا حبيبى
مع انى ما فيش مرة باخبييه
أيام بتروح.. وسنين بتفوت
والقلب معاك بيدوب فى سكوت
افتح لى القلب ولو بشروط
دانا روح بتحب ومتشوقه
وافهمها بقه

مُتأسِّفة

حُبُّكَ وأيام الشِّتَا
دائِمًا بتجمعهم صفه
وقصاد قساوتك كلما
إزاي أكون لك مُنصفه
ما قدرش أنا وبلختصار
لو كنت راجع تعتذر
لحظة انتظر.. ما لهوش مكان الإعتذار ولا له صفه
متأسفه

غاطه ويتعبد نفسها
كأمر مرة طب إليه بعدها
كان نفسى اسامح إنما
شيء مش يابدى لوحدها
البرد غطى الشوق ونام
وخلص مشاعرى اتجمدت
واتقدمت ويا الدفا.. كل المودة والغرام.. للعاصفه

متأسفه

لما افتكروا حنا سوا
كل الكلام اللي اتنطق
أقول ما فيش غيرك هوى
ولا قلب غير قلبك عشق
لكن غرامك له صفات
فوق طاقتى.. فوق المحتمل
خلأ الأمل شمعته انطفى.. حتى رماد الذكريات كله اختفى
متأسفه

حاجة كده

حاجة كده.. حلوه قوى
عدت على قلبى أنا
خلتني طابره فوق قوى
بروح فراشه ملونه
صحت عيون.. على شوق حنون
قلبى بقى زى الغصون
مستنى حبات الندى
حاجه كده.. ما عرفش إيه
لقبتنى فجأة باحسها
ما قدرت أقول ازاي ولبه
أو لأ لصوتها وهمسها
أتاريها ياء.. هي الحياه
والحب بان لى وبان حلاه
فوق الشغاف زى دا

حاجه كده.. نى المـوا
ما يداعب الشعر بفرح
لأ نى ما تكون الدوا
للـى تعب.. واللـى انجرح
إحساس جديد.. ياخذك بعيد
وتحس إن انت الوحيد
ملك على الكون والفضا
حاجه كده

عَلِّمْتَنِي حُبَّكَ

عَلِّمْتَنِي حُبَّكَ عَلِّمْتَنِي الْأَشْوَاقِ
عَوَّدْتَنِي قَرِيبَكَ وَسَبَّحْتَنِي أَشْثاقِ
فَرَحَةَ لَيْلِي الْعِيدِ وَأَيْدِ تَضَمُّ الْإِيدِ
وَنَارَ تَقْبِيدِ وَتَقْبِيدِ مَشْتاقِ لَهُمْ مَشْتاقِ

★★★★

خَلِّبْتَنِي لِيهِ أَنْسَى رُوحِي وَافْكَرْ فَيْكَ
وَلَسَّهْ أَنَا لَسَّهْ بِأَحْلَمِ وَعَايِشَ لَيْكَ
تَقَسَّى أَنَا مَا أَقْسَاشَ تَغَيَّبَ سَنَهْ مَا أَنْسَاشَ
لَوْ الرِّيحَ مَا بَقَاشَ زَهْرُورَ وَلَا أَوْرَاقِ

★★★★

وعدتني بجنه ما شفت غير النار
ولقيتني باستننى فى ليل مالمش نهار
ما أنش ليئا أوان ترجعلى زى زمان
تعبت انا أحزان ودموع وشوق وفراق
علمتني حبك
علمتني الأشواق

بدأ الشتاء

بدأ الشتاء بدرى والبرد ما له أمان
الليل كسا فجرى والحزن جه ألوان
باللى أنت ناسيانى واحشانى.. واحشانى
واحشانى يا عمرى
هل الشتاء ما فرّقنا إيد عن إيد
ما فضلش غير ضلمه والذكرى.. والتنميد
وان كنت مش جنبك برضه هنا حُبك
جوّة العروق يجى
جانى الشتاء وانت شافاه.. ومش شافاه
باعتب على حبيبتي مع كل دمه وأه
لو ترجعى لى الروح تعود فى
عودي عشان خاطري
بدأ الشتاء بدرى

بتبقى فى إيدك

ما تقبل يا قلبى وترضى بنصيبك
ولا أقول حبيبى ولا تقول حبيبك
لا دمعك بفيدك أو كتر تنهيدك
بتبقى فى إيدك وتقسم لغيرك

فى صورة وذكى مضج حياتك
ومستنى بكره... بعيد اللى فاتك
أدبك بقالك سنين إيه جراك
لا غبرت حالك ولا خط سيرك
بتبقى فى إيدك وتقسم لغيرك

مقـدّر ولازم تشوفه بعبونك
هافضل ملازم لإمتى ظنونك
لاكنت أولهم ولا انت آخرهم
مشاعرك ساجنهم وراهن مصيرك
بتبقى فى إيدك.. وتقسم لغيرك

ما قلتيش مالك

ما قلتيش مالك ودمعتى قبالك
واخذ على خاطرى وانت ولا ف بالك

شايف دموع عينى نهار وليل تجرى
وانت يا نور عينى وحدك حبيب عمرى
ما صعبش يوم حالى عليك تقولهاالى
طب كون كده بدالى وشوف بقه حالك
واخذ على خاطرى
وانت ولا ف بالك

أقرب لي من روعي من ضحكنتي لي
وازلي يا روح روعي ما عرفت إيه بي
بقه كل دا يجري وكأنه ما بيجري
إللي ما جت فكره من كل دا ف بالك
واخد على خاطري
وانت ولا ف بالك
ما قلتلش
مالك

أنا حُرّة

حكاية حبنا أُمّرة عفتك منما بالمرّة
خلاص الجرح له آخر ودلوقتي بدال بكرة
بريتّه عيونى ورموشها من الأحلام وتحويشها
معاك حريتك عيشها وأنا م اللحظة دى حُرّة

★★★★

عطيتك فرصه والثانيه واقول يمكن هاتغير
تروح الفرصه وف ثانيه يجينى الوهم. واتحير
وادابى الشك وظنونى بضحكه ونظرة بعيونى
وبين العقل وجنونى خيوط أرفع من الشعرة

★★★★

حياة الحب والقسمه أنا بإرادتى بأنهما
وخذت قرارى والكلمه ما فبش أذارها تلغيها
لا ح احلم تانى بالجنة ولا توعد.. وأستنى
معاك الدنيا واتمنى وطير فى الموا ذكرى
بريئه عيونى ورموشها
من الأحلام وتحويشها
معاك حريتك عيشها
وانا م اللحظة دى حرة

أكثر م الحب

أكثر م الحب وأنا اعمل إيه
فى عذاب القلب وشوقى إليه
متحمل صده وعندة وبعدة
ولكن برضه باموت أنا فيه

★★★★

روحى مذبونى حنان وحنين
القلب القاسى ده جاله منين
غلب وغلبنى.. ثعب وثعبنى
إلى محيرنى ده فىن الاقيه
متحمل صده وعندة وبعدة
ولكن برضه باموت أنا فيه

★★★★

كتر اللوم في من الاليمين
ولا فيش قدامي غير حلين
اولهم احبه.. تانيهم احبه
واطول بالي وصبي عليه
واتحمل صده وعنده وبعدة
علشان انا لسه باموت انا فيه

لَمَّا مَلِك

جہ قال مسہرنی وقال محیرنی
صعب قوى عليّ من طول بکاه ليّ
قدمتله عينيه واما ملك.. باعنی

زمان کثیر حاول وکان بہتحابل
أتقل.. واقول عذری بقول عشان خاطری
بلاش یضیع عمری بلاش تلوعنی

الحب وسنينه هانوا على عبونه
هو الموى صفحه بطويه كده فى ملحه
ما كنت انا حالفه إيه اللي غيرنى؟

صعب قوى عليّ

من طول بکاه ليّ

قدمتله عينيه

واما ملك باعنی

ما فهمتنيش

ما فهمتنيش ولا عرفت غلاوتها
ما حستنيش ولا حسنت محبتها
وده خلاها قالتها هانتفارق.. ما تمنعنيش
وانا العاشق لضحككتها أنا الولمان
أنا المستننى نظرتها بقالى زمان
ودايب دوب فى رقتها قالتها إزاي.. يا قسوتها
دى مسة إيد.. بعمر جديد ولكن هى بالتأكيد

ما فهمتنيش

عتاب الحب ما نفعشى ومــــل.. وداب
ونبض القلب ماكملشى وقــــل.. وغاب
سألت ده ليه ما جاوبتنشى وكان لازم هنا نمشى
ونبقى إثنين.. على طريقين كفاية إنى معاها سنين

ما فهمتنيش

زی زمان

نی ما کنا زمان ارجع لی نی ما کنا زمان
أشتاقلک.. ألاقیک مشتاق لی لو مع بعض کمان
حوالیہ الناس.. بس غریبه
والفرحه ما بقیتش قریبه
إزای کنا حبيب وحبیبه وازای کل ده هان
کان ببقرب بینی وبینک حُبک والإخلاص
وکتیر کنت تغمّض عینک وتشوفنی بإحساس
توصفلی.. شعری وفستانی
وکان عیونک شافانی
واللهفه اللى کتیر واخذانی والقلب الفرحان

مش معنی ان بعدت راح انسی ونفرق قلبین
دی الذکری اللى فى حُبِّک لَسَّه بتصحیلِ حنین
ویدافع حُبِّی واشواقی
باترجی تحافظ ع الباقي
دور على حَبْنَا هَاتلاقی صورہ ف کل مکان
إزلی کنا حبيب وحبیبه
وازلی کل ده هان؟

أعيش النهارده

لإمتى أشوفك فى صورة وذكرى
وأصور فى شوقى وأبعت وتقرأ
ما تبجى وترحم عيونى اللى شاردة
أعيش النهارده وموتنى بكرة

بأكلم خيالك وأقدم له وردة
وأحس بوصالك وكل المودة
ومن كل نظرة وهمسه وكلمه
بتدفى القلوب اللى بردت وتمدى
وأصدق وجودك بهم التلاقى
وفرحة وعودك تدوب فراقى
تخلّى اشتياقى ما فيش منه فكرة
وأعيش النهارده

تنوّر فى ليلي وأحلامى شاهده
تنسّينى ويلي وعمري اللي عدّى
كانك حبيبى معايا وانت
بتعرف ده كله فى بُعدك وترضى
ودمعة أهاتى دى مالهاش طريقه
طب اطلب حياتى واشوفك حقيقه
ولو كام دقيقه.. ويجزى اللي يجزى
واعيش النهارده

هي ابتسامه

ومادام من الأول مشاعرك مش معايا
ومادام ما عشتيش حبنا دا من البداية
ليه توعدي.. وتأكدي.. ع الحب بعدين تعندي
بصراحه وبكل الرضا.. باقولها أسف.. إبعدي
★★★★

قرّيتي مني.. خدتي روحى وخدتي عيني
ولا كنتش اعرف إنك إنت بتخدعيني
بتحيرى.. وبتقدرى.. ف ثانيتين تتغبرى
تتسلى والآخر كدا.. هي ابتسامه وترفضي
بصراحه وبكل الرضا.. باقولها أسف.. إبعدي
★★★★

صدقت كذبك.. أبوه عشت بجد ليكى
ولا شفت غير صورة ملاك الحب فبكى
لو قسوتك.. دى لعبتك.. دى غلطتى مش غلطتك
وخلص نهاية كل دا..... ماحناش لبعض اتأكدى
بصراحه وبكل الرضا
باقولها آسف.. إبعدى

مانتاش حُر

ع البُعد عید نظرة أخیره
لیبه نَدی للشوق تأشیره
وحياتی لتطوّل بالک
وان حکم الأمر ها قولها لک
لبضیع العمر
وتقول أنا حر
وتقوللی إبه غیر حالك
لأمانتاش حُر

★★★★

هاتروح لبعید تحتار حیره
وتسببنی هنا ویا الغیره
با حب م النظره الأولى..
صعب الفراق.. مش بسهولة
وحياتی لتطوّل بالک
وان حکم الأمر ها قولها لک
وتقول یا رجوع
بین نار ودموع
تبعد وهی دى معقوله
ع القلب یمر
وتقوللی إبه غیر حالك
لأمانتاش حُر

| | |
|--------------------------|----------------------|
| كان لك مع الحب حكاية | هاتسـبـبـها مـلـين؟ |
| وان كنت زعلان فى هوايا | حقـك ع العـين |
| أحلف يا به وتصدقنى | بتكون معايا وتوحشنى |
| إرحم عذابك.. وارحمنى | وخليـك ع الـبر |
| وحياتى لتطول بالك | وتقوللى ايه غير حالك |
| وان حكم الأمرها قولها لك | لا مانتـاش حر |

الحب الأخير

مش مهم أكون لقلبك حب أول
وابقى بكرة.. والا بعده سراب كبير
لأ ذا أجمل مأ أكون نقطة تحول
فى حياتك.. وابقى أنا الحب الأخير

★★★★

نفسى حبي يكون فى قلبك زى ساحر
واللى أحلم بيه تعيش وبابا فيه
وان نسيته لحظه ألقاك انت فاكر
تيجى لى بهمسه وتفكرنى بيه
مش مهم تقول باحبك
لو بعده والا جنبك
ألمهم يصدق قلبك
دقه تعلن إن حبك شئ خطير
أبوه أجمل مأ أكون نقطة تحول
فى حياتك.. وابقى أنا الحب الأخير

عايزة اشوف تغيير واحس بان حُبى
الوحيد ساكن فى روحك مهما كان
واللى كان فى الماضى تنساه مش تخبى
أو تقول كان حب قلبك من زمان
حُب أول.. واللا تانى
دى أسامى.. مش معانى
المهم يكون مكاني
جوه قلبك.. حاجه بتساوى المصير
أيوه أجمل مأا أكون نقطة تحول
فى حياتك.. وأبقى أنا الحب الأخير

من غير شريك

بقلبي وعيوني وعمري اشتريك
واصالح ظنوني من الشك فيك
بشرطي الأساسي.. ومن غير مآسى
تكون لىّ وحدى مالبش فيك شريك

ها صارحك بحبى واقدّم دليل
واشيلك فى قلبى يا حلمى الجميل
وتبقى حقيقه.. وخطوه جريئه
وحاجه رفيقه بتريطنى بيك
بشرطي الأساسي ومن غير مآسى
تكون لىّ وحدى مالبش فيك شريك

يا حب انكتب لى وخذنى إليك
فى لحظه شغلنى ودوّننى فىك
أنا فى الملحبه.. يا هايمه.. يا دايه
ومابقاش عشقت ان ماغيرتش عليك
وشرطى الأساسى.. ومن غير مأسى
تكون لى وحدى
ماليش فىك شريك

إلا حُبِّي

إلا حُبِّي ليك وأحلامي الوفيه
شك في العالم بحاله إلا ديه
إمتنى قلبي كان ناسيك
مانت عارفه.. مشترك
يبقى ليه دايماً تسى الظن بى؟

★★★★

غير وخصصم.. زينا نى الأحبه
بس ماتشكش في حُبِّي لو لحيه
إلا إخلاصي في حبك يا حبيبى
اللى زايد.. واللى عمره ما يستخبي
دى الظنون اللى فى عينيك
والشكوك.. مش لابقه فيك
شئ كبير بينهم وبين غيرتك على

★★★★

جه في بالك اني اخونك باه يا قلبك
هي روحى تبقى فوق غير بقربك
غلطه منك.. مش ضرورى للتمادى
واللى هاتساوى اللى عادى باللى حبك
د التلاقى والفراق....
عمرهم كله فى سباق...
وانت وحدك كلمتك تنمى القضية
إلا حبي

غیرک حلف

غیرک حلف ولا صدقتوش
ولا صحی قلب.. وهزکیان
واللی انت قلته ما کدبتوش
وأمنت بیه من غیر حلفان
غیرک حلف

كان اللى بنده ما اسمعلوش
ولا قلبى بقبل يدى امان
يبعد.. بقرب.. ما اشتقلوش
وقصاد عبونك.. قلت ده كان
غیرک حلف.. أو ما حلف
بس أنت حاجه بتختلف
إحساس فى عمرى ما جريتوش
غیرک حلف

قالوا الكلام ده كثير وقليل
واستنوا منى الرد عليه
مالقوش لباب القلب دليل
دلوقتى إنت لوحدك فيه
عيش الموى.. عيش اللقا
جمّع قلوب متفرقه
د الحب قبلك ما قابلتوش
غيرك حلف
ولا صدقنوش

حيرتني

حيرتني.. حيرتني.. إيه اللي فيك ببشديني
ليه عايزة قلبي بنام في حضنك وفي عينيك
ليه عايزة عيني في كل لحظة تكون عليك
وأن غبت ثانيه.. تقول عينيه وحشتني..
إيه اللي فيك ببشديني؟!

حيرتني.. حيرتني.. ولا كان زمان بيهمني
لا الحب ولا أحلامه وغياهم سنين
غيرت عمري إزاي وصحبت الحنين
ولدنيا غير الدنيا رحبت أخذتني
إيه اللي فيك ببشديني

حيرتني.. حيرتني.. وحياتي قول شوقني
كان الدخول لحياتي شيء ولا في الخيال
لكن دخولك قلبي وذاني لسؤال
والحيرة أهـ الحيرة لوما جاوبتني
إيه اللي فيك ببشدي
حيرتني

ضعف قلبي

ضعف قلبي.. وقالها لك
ما فكرش إن فيها آمات
كان العاشق.. ومش تافلك
وكان ردك عليه بسكات
وبين ممنوع.. ومش مسموع
آلام ودموع.. وشوق وجروح
لا مئى داريت هواك فى الروح
ولا حليتـها.. باعترافات

★★★★

بشکل جدید سکن فی
ماشوفتش حُب زَیّه فی یوم
وعارفه إن أنت مش لی
واحساسی اتولد مظلوم
لُقا وفراق.. بُکی وتنمید
ومالباش بد فیما اکید
لکن صدقنی حُبی بعید
بعید عن کل مادیات
لا منی داریت هواک فی الروح
ولا حلّیتما باعترافات

بنور عيني.. ولون خدي
ما حسبت إلا وأنا وياك
وشفت إن البشر عندي
بشر.. أما أنت روح في ملاك
في لمس إيديك.. أمان وسلام
وغيرتي عليك.. حبيبى غرام
أنا خافه لكون في منام
وأصحي يقولوا حلم وفات
لا متى داريت هواك في الروح
ولا حليتها باعترافات
ضعف قلبي

رد فعلك

رد فعلك مش طبيعى امّا تقابلنا
بعد غيبه ألقاك كده.. طب إيه مصيرنا؟
قوللى إيللى مغيّرك.. من ناحيتى
دى محبّتى ليك.. هى هى محبّتى
والشوق حكم.. جيتلك وأمه راجعه بدموعى

رد فعلك مش طبيعى

حاسة حاجة بتختلف عن كل مرة
حاجه خلّت فرحتى بيبك دمعته مرة
بردت حرارة لهفتى أه وقتها
وكانها.. ملامش وجود ولا عشتها
إحترت وندمت اتى جيت.. ورضيت رجوعى

رد فعلك مش طبيعى

غرامك شوق

غرامك شوق مالوش آخر.. وم الآخر
تعبت بجد مش قادر
وشوف أنا فين.. وفين أنت.. وكان آخر لقا إمتي
يا.. من إمتي.. ما نيش فاكر
أنا اللي قلت في هوايا.. ما له نهايه..
وأحلف.. كان ده جوايا
لصالح مين بقى بُعدك.. ده لو ليك كنت أنا اساعدك
وأقول راحتك بعيد.. سافر
وشوف أنا فين.. وفين أنت.. وكان آخر لقا إمتي
يا.. من إمتي.. مانيش فاكر

هاترجع أو ما ترجعشي.. ما تفرقشي
ما دام لساك ماحستشي
وشوقى ليك راح اعتبره... سراب.. وقلبي ده قدرة
عشان عندك مالوش خاطر
وشوف أنا فين.. وفين أنت.. وكان آخر لقا إمتى
يا.. من إمتى.. مانيش فاكر

حلالي.. بلالي

حلالي بلالي.. بجيت يا غزالي
وكل كلامي معاك يحلالي
ماخافش عين.. تشوفنا يا زين
ما دام الحين.. صبحت حلالي

مارجص خيلى واكيد غزالي
واخلي الليل.. يروج ويلالي
واجول الحج.. غزيلي رج
بنظرة انشج جليبي وحالي

• باللهجة البدوية.

كلام عبونك.. فيه وصالى
وقالك عندى.. ببشرح فالى
كتير نجول.. فى دج طبول
ويخفى الجول.. ما دمت جبالى

هنالى الجرب.. يا عشى ومالى
وجوه الجلب.. مكانك عالى
وشفت فى يذك.. سعدى وسعدك
مين كان كذك.. بسرج بالى

دجيجة معاك.. بتسوى لبالى
وهجرك يعرف إيش يجرالى
مانامش ليل.. ويصبح ويل
بفيض الكيل.. ويرضيك غالى
حلالى بلالى

وان وای

وان وای ویاک ولا فیش استوب
وان وای فی هواک وطریق الحب
طول مانت معايا بكل القلب

ما فیش استوب

فی الروح والای ملبون ویلکم
والحب المای ببقولک کم
نفرح ونهمیم ونعیش فی دریم
نفضل انتیم مانشوفش مطب

ما فیش استوب

فی القلب غرام مرسوم ع المد
وکلام.. وهيام والشوق بلا إند
أرجوک وبلیز تاتش الاحاسیس
أمورا دولزیز فی نایس القرب

ما فیش استوب

أزجال لاذعة

حرام عليكم

| | |
|-----------------------|-------------------------|
| فى بلدنا الله يا عبنى | مش سربينك وببنى |
| لكل واحد مغنى | حقبقة مش فى المنام |
| ع القموة شاعر بألف | وقصاده منتج بكألف |
| بمزاجه يدفع ويصرف | لجل العيون والقوام |
| حتى الملحن متابعه | وكانه توام فى طبعه |
| اللحن يجرى ف صوابه | فريرة يجهز أوام |
| يقول دى الحانى تضرب | ماحنا اللى فيهمم. ويهرب |
| والناس بتبلع.. وتشرب | فى حصادى من غير كلام |

أهبل مع إثنين عبايط قاعدين يعبوا فى شرايط
وأخينا مبسوط وزايط م الفرحة.. والإنسجام
الحولة حلمت بشهرة قال لها طب والله بكرة
هاتكونى نجمه فى سمرة والشابه فهمت .. أوام
والفن مظلوم معاهم لكن مافيش من تفاهم
ماخلاص أخينا اشتراهم بفلوسه.. مش باحترام
يا.. حسّوا بينا وكفاية مغنى ترازينا
إحنا وولادنا اتأذينا
حرام عليكم.. حرام

عامل نوغّه

راح پتانزح آل ويلمح للأمورة بغمزة عين
حبه ببشرح حاله ويسرح.. حبه بسبّل في الاتنين
حب ما طالش وبس اتحنس.. فضى جيو به عليها وفلس
ويقول بختى أجيبه منين
راح بقه هيبز آل وخنافس.. مايكل جاكسون كده خلوة
لا وماشوفتش كان إيه لابس لما بيرقص بيها سلو
عامل نوغّه وواد حنتوسه.. فاكر آل هاتدومله فلوسه
وان عبونه دى سنارتين
حب ما طالش وبس اتحنس.. فضى جيو به عليها وفلس
ويقول بختى أجيبه منين

كل الناس يقولوا يا جدو مقامك سنك راحم فين
مأ تطلق ستو وتعمل إنك برير في العشرين
سبب شعرة وصبغة وفرقة. نسي مين شاله في تعبته ومرضه
دنيا وفيها كثير مجانيين
حب مطالشي ويس اتحنس.. فضي جيوبه عليها وفلس
ويقول باب الصبر منين

فى شم النسيم

الجوفى بلادنا رابق والكل لابس وعابى
بسم العلى العظيم
جاهزين من الصبح بدى شابين حلالهم ودوغرى
رايحين بشموا النسيم
بيقولوا فرحة لقانا وبنا الفسيخ والملانا
هاتوا الشلت والكلهم
نفرش بحب ومودة بوابير وأسماك وردة
والمشوى صحى وسليم
والمحشى جنبه المدمس والخص مغسول كويس
والمعدة آخر نعيم

الأكل يبجى ببشاعه ماتقولش كانوا فى مجاعه
سواء رجال أو حريم
ياكلوا ويرموا الزباله ببرود وأخر نداله
ولا فيش تصرف حكيم
بعديها خبط ف ودانك ومغنى مخصوص عشانك
عاملينه عبد الحليم
دوب قلوب العذابي ما هي كل بقره وجماره
حست بصوته الرخيم
ومن العقول الغيبه الخضره راحت ضحيه
والورد باكى والهم

رزق الهبل

بخور على نار. ودقة زار. وناس م الخنقه.. جالما دوار
وناس بيموتوا.. مش حاسين
وعم الشيخ.. طبخ فى طبخ.. وللصبحه.. هات يا صريخ
ينادى الجن.. والشياطين
يقول الجن.. مش بيحن.. عشان ما سمعش.. قرشك رن
بروح الكل.. له دافعين
وده بيديه.. ودى بترضيه.. ويدعوا لرينا يخليه
بطول عمرة.. آل عمرين
يجيب شخبوط.. كلام وخطوط.. لفك الخلفه.. والمربوط
ويفضل زن.. ع الودنين
ويعمل سحر.. ضد القمر.. ويقبض كل يوم فى الشهر
ورزق الهبل ع المجانين

أطفال

ربطوا رقبته

كان فيه عصفور قدام بيتنا
واقح من بين الأشجار
الأطفال قالوا ده لعبتنا
ربطوا رقبته بطرف دويار
العصفور فى دموعه اتغرق
والأطفال مش عارفه تفرق
بين الجد وأى هزار
ربطوا رقبته بطرف دويار

شفته ورحت بسرعه أفكه
والعصفور ادبتله أمان
حتى الأطفال بعد مامسكوا
طرف الحبل.. سابوه بحنان
قالوا غلطنا واحنا حباببه
أسفين على زعله ومتاعبه
العصفور سامح من قلبه
وفرح بالحريه وطار
ربطوا رقبته بطرف دويار

رفرف تانى.. زقزق عنى
واتنفس حرته.. ونور
خلى الكون بقه زى الجنه
واتمنى وشفناه مسرور
حب حياته.. حب الدنيا
وابتساماته عادته ف ثابته
أصل الرحمة دى حاجه ثابته
لوفى قلوبنا صغار وكبار
ربطوا رقبته بطرف دويار

قط صُغْنَن

الأطفال ف الشارع لقيوا
قط صغْنَن شعرة حرير
أخذوا القط وطلعهم يجروا
ليه ما عرفش بدون تفكير
منهم قال القط دا لى
منهم قال لعبة مسألّه
إنما كان فى الحق ضحيّه
كان هابعيش العمر أسير
قط صغْنَن

مامة القط الواعيه شافتهم
طلعت تجرى ورا الأطفال
نطت على إيدهم. عضت
راحت وجعتهم فى الحال
سابوا القط ورجعوا لبيتهم
بعد مانالوا عقاب شقاوتهم
شافهم بابا.. عرف غلطتهم
قال دا جزا اللى ما يعمل خير
قط صغين

ألوان الطيف

بـرد و بـرق.. ورعد ومطره
بيجى وراهم جو لطيف
والعصفورة تطيرع الشجرة
مأ تشوف ألوان الطيف
أحمر.. برتقالى وأصفر
أخضر.. أزرق.. نيلى.. بنفسج
عاملين قوس وبشكل ظريف
الألوان السبعة الحلو
هُمُ أساس فن التلوين
ممكـن نعمل منهم عشرة
ممكـن أكثر بالتكوين
حسب اللون اللي احنا نعوزه
حسب المنظر أو براوية
لو مطلوب متنا تصنيف

الألوان فى إيدينا هاتكتر
مّا نضيف اللون ع اللون
واللي بلون أكثر أشطّر
م اللي يكسّل مهما يكون
ممكّن نعمل صورة لزيّزة
وتكون أشهر م الموناليزا
أبوة بجد ومش تخريف
أحمر.. برتقالى وأصفر.. أخضر.. أزرق.. نبلي.. بنفسج
عاملين قوس وبشكل ظريف

يا أستاذنا

يا أستاذنا.. مُعلِّمنا بكل الحب فاكرك
هاتفضل قدوة قدامنا علم في عيون محبينك
تعاليمك.. بقت علامات وأعمالك.. سابت بصمات
نقدّم كل الاحترامات وإعجابنا.. وتقديرنا
يا أستاذنا

يا أجمل أب علّمنا بنفخر إننا ولادك
مافيش كلمة بتسعفنا نصور بيها أمجادك
ولا بعداك.. ولا امسافات تنسّينا.. ولولحظات
عشان الحب بينا رباط بيوصل روحنا وقلوبنا
يا أستاذنا

بنكبر.. بس ف قلوبنا كلامك كله شابلينه
عشان إنت فى دنيتنا فنار للحمر وسفينه
عطيت فى كل وقت وحال وأجبال من ورا أجبال
بتشهد لك.. وعاش مين قال رسول إنت وعاش بينا
يا أستاذنا

الكتكوت نقر

الكتكوت نقر.. نقر على قشر البيضه اكسر
خرج الكتكوت يتمخطر بجماله الحلو الأصفر

فرح الكتكوت بالدنيا واتعلم يجرى في ثانيه
ويلقظ بعد شويه الحبه وراها الثانيه
ماما قالتله ما تخرجشى إلا تنوء وماترجعش
قال حاضر امرك يمشي وسرح فى الأمر بفكر

خرجت ماما بتسوّق كان الكنكوت متسوّق
للشارع.. وطلع يجرى شافه الديب المتسوّق
قاله تعال.. ماتخافش أنا مامتك.. وأمه وشى
وأدى عينى.. وكمان رمشى وادى خدى.. وبقي الأحمر

بص الكنكوت كده عرفه إتلخبط قوى من خوفه
قال توبه من دى النوبه مش عايز تانى أشوفه
إتندّم وعرف غلطه واتأسّف باما مامته
على فعله وبّا شقاوته رجعتله الضحكه تكرر
الكنكوت نقر.. نقر

حلو.. وننه

حلو وننه.. يا دوب له سنه
ضحكته صافيه وزى النور
يمشى مببطط.. بس ماطأت
أد بادوب قلب العصفور
ما بيعرفش زعل وخصام
زى الوردة البيضة تمام
ياكل مم.. ويجرى بنام
من غير دوشه.. ومن غير زنه
حلو وننه

نى النسمه ماتبقى حرير
صوته يزقزق نى الطير
يعمل غنوه.. يادوب كام كلمه
تملى الدنيا سعادة وخير
حلو وأطعم م البسكوت
حتى البو تقول كنتكوت
مأ يلقط فى الفتفوت
بعد ما ينقش نقش الحنه
حلو وننه

مش بيخاف شامبو وحموم
جوّه البانيو يحب بعموم
صقفه يلخبط لما يلبط
وسط املّيه يقع ويقوم
نونو وخدّه بغمازتين
شعره صغنّن فوق العين
له إبدتين.. وكمان رجلين
يجرى عليهم مابيس تنى
حلو وننه

حوار مع الكبار

فى حوار مع الكبار كلنا راح نستفيد
والمناقشه والحوار يخلقوا الفكر المفيد
فى المحاوره والدلائل تنتهى كل المشاكل
كلنا نصبح أوائل زى نجمه أو فنار
فى حوار مع الكبار

• نتر برنامج حوار مع الكبار للسيدة/ سامية شرايى.

أغنيات حصدت الجوائز في مهرجانات دولية

نقطه دم*

هات من فضلك نقطة دم وأنقذ طفل بريء م الموت
إعمل خير ولا يوم تندم أصل الخير عمرة ما يموت

لوراح تنقل دم لـخوك واللا لأصحاب بـحبـوك
ترجع لـبهم تانى الرّوح قبل ما تلقاهم فارقوك
خـف الـامم وافضل بـبـنهم
إمسح دمه بتملا عيونهم يومها يحسوا أنك مهتم
هات من فضلك نقطة دم

* حصلت على جائزة المركز الثانى في مهرجان النيل الدولى عام ١٩٩٨، لحن:
وفاء مصطفى كمال، توزيع: حسام يسرى، غناء: مهند علاء الدين.

نقطة دم تساوى حياة شوف بتساوى الكلمة دى إيه؟
إياك تندم وتقول لا والّا تقول.. اتبرع ليه؟
دول أصحاحك دول إخوانك
مش راح تنقص حاجه حياتك مّا ترجّح بسمة أم
هات من فضلك
نقطة دم

ياللا نمد إيدينا لبعض

ياللا نمد إيدينا لبعض
نعمل دائرة تلف الأرض
نزرع وردة وشجرة حُبّ
وسط خطوط الطول والعرض
ياللا نمد إيدينا لبعض

بيننا نشبك إيد مع إيد
صوتنا يدوي بكلمة تفيد
نعلن مش عايزين وحشية
مش عايزين الدم يزهد
والحرية لكل كيان
من غير سيّد.. من غير عبد
ياللا نمد إيدينا لبعض

* حصلت على جائزة المركز الثاني على العالم في مهرجان النيل الدولي عام ١٩٩٩،
لحن: وفاء مصطفى كمال، توزيع: حسام يسري، غناء: مي محمد يسري.

إيدى فى إيدك أخ وأخت
قبل ما نتنكدم مع الوقت
بيننا نجمّح شمل الكون
إلى أنا باحلم بيه دلوقت
أبيض.. أسمر.. زنجي كمان
كتلة جميلة من الألوان
دا الإنسان هو الإنسان
مش محتاجه سؤال أو ردّ
بالأ نمدّ إيدينا لبعض

نقطة بداية*

السما الحلو الجميلة
من سنين بتقول غيتوني
والنجوم فى كل ليلة
تبكى.. تصرخ.. إنقذونى
والقمر زعلان بهممس
إرحمونا من التلوّث

* حصلت على المركز الأول على العالم فى مهرجان النيل الدولى عام ٢٠٠١،
لحن: وفاء مصطفى كمال، توزيع: حسام يسرى، غناء: رماح.

إيشى دخان باما طاير
من مداخن فى العماير
من قنابل.. من حرايق
من مصانع.. من محاجر
ليه نخلّى الكون حزين
كلنا فيه مسئولين
واحنا عابزين أكسوجين
للمعيشة.. والنفّس
والقمر زعلان بيممس
إرحمونا من التلوّث

بيننا نمتم ببيتنا
تتولد نقطة بداية
دا البشرع الأرض تسال
ملتى ماتكوت الحماية؟!
دالتلوث شيء خطير
ع الصغير.. والكبير
والهوا مالوش نظير
ياله نحميه م التلوث
دالقمر زعلان بيهمس
إرحمونا من التلوث

الإرادة والتحدى

أنا بالإرادة.. والتحدى
هاكسر حدود المستحيل
الفجر يبجي.. الليل يعدي
والدنيا تصبح شيء جميل
ومادام كيأني له كيان
ولقيتلى فى قلوبكم مكان
هاكسر حدود المستحيل

• حصلت على الجائزة الكبرى على العالم في مهرجان النيل الدولي عام ٢٠٠١،
لحن: وفاء مصطفى كمال، توزيع: حسام يسرى، غناء: جلال محمود.

من محنتى.. أنا خدت قوه
من صدمتى.. خدت القرار
ليه لاه يمكن جرحى دوه
يبقى السبب فى الانتصار
ماعتبره كان لى امتحان
وعلى أنجح مهما كان
لو كان طريق الألف ميل
هاكسر حدود المستحيل

الجرح شكل ماهوش معاني
وأنا لي معنى فى الحياة
إصراري أقوى.. شكل ثاني
واقدر أقول للصعب لا
أرفض ضلام وأحنا فى نهار
وأرفض أعيش عمري أنتظار
واستنى ضوء عابر سبيل
هاكسر حدود المستحيل

إضحك

.. إضحك للفجر أمّا بنّور
إضحك للشمس أمّا تروّح
إنحدّي الصعب ما تضعفشي
يارادتك شبل دمعك وافرح
إضحك.. إفرح.. غنى.. إمرح
من حقك تتمنى وتفرح

★★★★

• حصلت على المركز الرابع على العالم في مهرجان النيل الدولي عن عام ٢٠٠٣،
لحن: وفاء مصطفى كمال، توزيع: حسام يسري، غناء: مي محمد يسري.

إتعلّم منّى ولو كلمه
لو حرف.. ها ببقاله معانى
قلّدتى واسمّح للنغمه
ماقدرتش.. حاول من تانى
دورى.. مى فا.. صول لا
سى دو.. على صوتك.. الورد يفتح

أبكم وأصم بيتالم
مسجون فى الصمت بتكوينه
مش قادر أبداً بتكلم
ولامتى هانفضل ناسبينه
شاور.. عبّر.. إرسم.. صوّر
بإشارة تفسّر.. وتوضح

ببقاسى الخطوة ومتحمل
إنما بيجامد ومصمم
فيها إيه لو كنا من الأول
نتنبه ولا ننسى نطعم
حاول.. كمل.. كافح.. أوصل
على أد ما تتحدى.. هاتنجح

الدنيا.. مش نور أو ضلمه
من فضلك إفهم معانيها
يا ما غيرك شاف.. وفي ضلمه
يا ما زيك.. نور ليا ليها
إطس.. إعرف.. ركز.. أوصف
الفرصة فى إيدك.. ويتسمح

فين حقى؟

أنا طفل صغير عايز اللعب
وأجرى مع أصحاب بيحبونى
نفسى اضحك واغنى واغضب
نفسى احلم.. لكن منعونى
بيعدنى اليوم.. فى تعب وهموم
واستسلم للنوم.. أمّا اتعب

★★★★

مش ذنبى ان الفقر حباتى
والجوع وقساوته محاوطينى
مستول عن أمى واخواتى
أنا فين م الطفل اللى فى سننى
فى كتير عايشين.. فى نعيم وأنا فين
ليه دايماً حرمانى بيغلب

★★★★

* حصلت على المركز الأول على العالم في مهرجان النيل الدولي عام ٢٠٠٥،
لحن: وفاء مصطفى كمال، توزيع: حسام يسرى، غناء: متولى مصطفى.

كان أملى أكمل تعلیمی
وأصحابی اکون واحد منهم
الجهل بقتل مفاہیمی
والفرق کبیر بینی و بینهم
لا فرح ولا عید.. ولا لبس جدید
فین حقى.. وعلى مین رایح اصعب

أنا جسمی ضعيف یانا یا ربی
عایز اصرخ.. وأقول إغفونی
مش قادر أو اصل من تعبى
م النجمة بیجوا بصحونی
بقى عودی نحیف.. من أجل رغیف
مانا لازم أعیش.. وأكل واشرب

فهرس

| | |
|----|---------------------|
| ٥ | طبعًا فأكره |
| ٦ | افهمها بقة |
| ٨ | متأسفه |
| ١٠ | حاجه كده |
| ١٢ | علمتني حُبك |
| ١٤ | بدأ الشتا |
| ١٥ | ببقى فى إيدك |
| ١٦ | ما قلنلش مالك |
| ١٨ | أنا حرّة |
| ٢٠ | أكثر م الحب |
| ٢٢ | لما ملك |
| ٢٣ | ما فهمتنيش |
| ٢٤ | زى زمان |
| ٢٦ | أعيش النهارده |
| ٢٨ | هيّ إيتسامه |
| ٣٠ | مانتاش حُر |
| ٣٢ | الحب الأخير |

| | |
|----|---------------------|
| ٣٤ | من غير شريك |
| ٣٦ | إلا حُبى |
| ٣٨ | غيرك حلف |
| ٤٠ | حيرتني |
| ٤٢ | ضعف قلبي |
| ٤٥ | رد فعلك |
| ٤٦ | غرامك شوق |
| ٤٨ | حلالى.. بلالى |
| ٥٠ | وان واى |
| ٥١ | * أرجال لاذعة |
| ٥٢ | حرام عليكم |
| ٥٤ | عامل نوعه |
| ٥٦ | فى شم النسيم |
| ٥٨ | رزق الهبل |
| ٥٩ | * أطفال |
| ٦١ | ربطوا رقبته |
| ٦٤ | قط صُغْنن |
| ٦٦ | ألوان الطيف |

| | |
|----|---|
| ٦٨ | يا أستاذنا |
| ٧٠ | الكتكوت نَقَر |
| ٧٢ | حلو.. وننه |
| ٧٥ | حوار مع الكبار |
| ٧٧ | * أغنيات حصدت الجوائز في مهرجانات دولية |
| ٧٩ | نقطه دم |
| ٨١ | ياللاً نَمَدَ إيدينا لبعض |
| ٨٣ | نقطة بداية |
| ٨٦ | الإرادة والتحدى |
| ٨٩ | إضحك |
| ٩٢ | فين حقي؟ |